



JUDICIAL SYSTEM MONITORING PROGRAMME

PROGRAMA DE MONITORIZAÇÃO DO SISTEMA JUDICIAL

Komunikadu Imprensa

Periódú : Janeiru 2011

Edisaun: 19 Janeiru 2011

Parlamentu Nasionál fó posse ba membru Konsellu Fiskalizaun Servisu Intelijênsia Nasionál

Iha loron 10 Fulan Janeiru 2012, Parlamentu Nasionál, fó posse ba membrus Konsellu Fiskalizaun ba Servisu Intelejênsia Nasionál (SNI) ba mandatu tinan lima (5). Membru SNI hirak ne'e mak kompostu husi deputadu bankada Fretilin mak Antonino Bianco, deputadu CNRT mak Duarte Nunes inklui delegasaun husi Prezidente da Repúblika, Alexandrino de Araújo.

Konsellu Fiskalizaun aplika tuir lei Nú. 09/2008 konabá Sistema Nasionál ba Intelijênsia ka SNI ne'ebé fó kompênsia atu monitoriza no kontrola atividade Servisu Nasionál ba Intelijênsia hodi garante komprimentu tuir Konstituisaun, espesiálmente respeita direítu, liberdade no garantia ba sidadaun.

Diretór JSMP Luis de Oliveira Sampaio *kongrátula nomeasaun ba membru Konsellu Fiskalizaun ba Servisu Nasionál ba Intelijênsia tanbá konsidera sei garante diak liu tan implementasaun kna'ar Servisu Nasionál ba Intelijênsia atu bele respeita lei, fó válor ba demokrasia no direítus umanus tuir buat hirak ne'ebé konsagra ona iha Konstituisaun RDTL ne'ebé asegura iha artigu 2^o, 4^o no 8^o husi lei nú 9/ 2008 konabá kompênsia no limitasaun SNI inklui kompênsia konsellu Fiskalizaun nian.*

Konsellu Fiskalizaun rasik tuir artigu 8 Lei Nú. 9/ 2008 sei hala'ó sira nia funsaun ho independensia, neutru, imparcial no sei asegura segredu husi matéria hirak ne'ebé sira hatene ho tempu la determina.

Konsellu ne'e mós iha kompênsia atu husu esklaresimentu ba membru SNI ne'ebé konsidera nesesáriu ba sira nia podér fiskalizaun no sei apresenta relatóriu anual ba Parlamentu Nasionál konabá progressu servisu SNI nian.

JSMP haree katak, ho prezensa konsellu fiskalizaun SNI sei sai imparsiál no sira nia servisu sei hatanba iha públiku, tanbá, ho fiskalizaun ba implementasaun funsaun intelijênsia, entermus internál no externál importante tenki dirije ba komprimentu prinsípiu profisionalizmu, konfidentiálide, imparsiálide no koordenaun ne'ebé diak.

Realmente hanesan nasaun foun, Timór Leste prezisa duni atu iha instituisaun Servisu Nasionál ba Intelijênsia atu detekta no halo prevensaun sedu (*pencegahan secara dini*) ne'ebé bele apoia esforsu kontra forma ameasa oi-oin tantu husi rai laran ka husi rai liur ne'ebé fó ameasa ba ezistênsia no integridade Estadu RDTL.

Tanba ne'e, prezisa tebes intelijênsia estadu ne'ebé forte ho koordenaun servisu ne'ebé diak hodi respeita valór demokrátiku no direítus umanus ne'ebé estabelese ona iha Lei -Inan. Polítika hirak ne'e ho objetivu atu atinze obrigadasaun estadu hodi proteze no, promove povu nian bem estar-jerál no partisipa iha estabesimentu ordem mundiál ne'ebé independente.

Maibé, iha parte balun JSMP nota katak lei konabá Servisu Intelijênsia Nasionál la duun aseguara protesau ba direítu umanus no liberdade sidadaun sira nian. Notas ne'e haree husi kontiudu Lei Nú. 9/2008 ne'ebé prematura tebes, tanbá iha sira nia kompênsia la justifika meus oinsá atu halo deteksaun no prevensaun bainhira mosu ameasa ruma no iha situaun oinsá maka bele fóti desizaun hodi indika ema ruma hanesan autór inklui la aseguara kompensasaun ruma ba iha sidadaun hirak ne'ebé afeita husi servisu intelijênsia bainhira hala'ó sira nia funsaun. Ezemplu nasaun Indonesia, iha sira nia lei ba Intelijênsia¹ ne'ebé fó garantia ba rehabilitasaun, kompensasaun no restituisaun.

¹Artigu 15 husi Lei Nú 17 tinan 2001 konabá Intelijênsia Nasaun Indonézio ninian, ne'ebé bele asesu iha www.hukumonline.com

Ba kestaun ne'e, JSMP hanoin katak Konsellu Servisu Nasionál Intelijênsia iha responsabilidade bo'ot atu toma konsiderasaun hodi asegura katak asaun husi Intelijensia Nasionál sei banati duni lei ne'ebé estabelese ona, no presiza fó informasaun ne'ebé serteza ka ezaktu ba iha Parlamentu Nasionál hanesan representante ba povu.

Atu hetan infórmasaun kle'an favor kontaktu:

Luis de Oliveira Sampaio

Direitor Ezekutivu JSMP

Diresaun e-mail: luis@jsmp.minihub.org

Landline: 3323883